

Plácido Álvarez Dobaño, na súa condición de portavoz do Grupo Popular na Deputación Provincial de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN PARA SOLICITAR AO CONGRESO DOS DEPUTADOS QUE SE INTERPELE AO PRESIDENTE DO GOBERNO SOBRE OS ACORDOS ALCANZADOS CON INDEPENDENTISTAS E POPULISTAS E SE REXEITE A ACTUACIÓN DUN PRESIDENTE QUE PACTOU CON AQUELES QUE QUEREN ACABAR CO CONSENSO CONSTITUCIONAL E A IGUALDADE DE TODOS OS ESPAÑOIS**, para o seu debate no pleno da corporación, tendo en conta a seguinte

EXPOSICIÓN DE MOTIVOS:

Todo cargo público cando toma posesión do mesmo **debe prometer ou xurar** “pola súa conciencia e honra **cumprir fielmente as obrigacións do devandito cargo con lealdade ao Rey, e gardar e facer gardar a Constitución como norma fundamental do Estado.**” (Real Decreto 707/1979, do 5 de abril, polo que se establece a fórmula de xuramento en cargos e funcións públicas).

A pesar desta obrigación legal e moral, o Sr. Pedro Sánchez (que prometeu “cumprir e facer cumprir a Constitución”), no seu discurso do pasado 4 de xaneiro realizou unha serie de **afirmacións abertamente contrarias a algúns dos principios recolleitos na nosa Carta Magna**, principios que constitúen o fundamento de España como nación e como Estado de Dereito.

Entre outras afirmacións, o Sr. Sánchez, afirmou en referencia a Cataluña que hai que “devolver á política un conflito político” e “retomar a única vía posible: a

política, retomar a senda da política, deixando atrás a xudicialización do conflito e deriva xudicial que tanto dor e tanta fractura causou en boa parte da cidadanía catalá e española".

Tamén asegurou que "a lei por se soa tampouco basta" e que "existe un conflito político que temos que resolver" e anunciou que "vai crear unha mesa de diálogo bilateral entre o Goberno de España e o Goberno da Generalitat de Cataluña".

Ademais, referiuse ao noso país como "España federal" e manifestou que somos un país no que se desenvolveron "identidades nacionais", definindo como "zancadillas" as decisións da Xunta Electoral Central (unhas decisións amparadas pola Lei Orgánica de Réxime Electoral Xeral, LOREG, e que se derivan dunha sentenza do Tribunal Superior de Xustiza de Cataluña). Desta forma situouse ao lado dun condenado por desobedecer as leis e non ao lado da lei e a convivencia.

Ademais, o Sr. Sánchez e o PSOE, nos pactos que subscribiron con outras formacións políticas para garantir que apoiarán, de maneira activa ou pasiva, a súa investidura comprometéronse a:

- ***Impulsar, a través do diálogo entre partidos e institucións, as reformas necesarias para adecuar a estrutura do Estado ao recoñecemento das identidades territoriais, acordando, no seu caso, as modificacións legais necesarias, a fin de atopar unha solución tanto ao contencioso en Cataluña como na negociación e acordo do novo Estatuto da CAV, atendendo aos sentimentos nacionais de pertenza. (Punto 4 do "Acordo entre PSOE e EAJ-PNV").***
- ***As medidas en que se materialicen os acordos serán sometidas no seu caso a validación democrática a través de consulta á cidadanía***

de Catalunya, de acordo cos mecanismos previstos ou que poidan preverse no marco do sistema xurídico-político. (Punto 2, apartado 4 do "Acordo para a creación dunha mesa entre o Goberno de España e o Govern da Generalitat de Catalunya para a resolución do conflito político", asinado entre PSOE-PSC e ERC)

Como se pode observar de todo o exposto, **as afirmacións realizadas polo Sr. Sánchez e diversos apartados dos acordos asinados polo PSOE reflicten certos compromisos que, no mellor dos casos, entran en flagrante contradición co establecido na nosa Carga Magna e noutras importantes disposicións do noso ordenamento xurídico.** No peor dos casos, **estes compromisos poderían supoñer unha vulneración das devanditas disposicións legais.**

A modo de exemplo, as afirmacións realizadas polo Sr. Sánchez e os acordos subscritos polo PSOE entran en contradición cos seguintes artigos da Constitución Española:

- A indisoluble unidade da nación española (artigo 2).
- Os cidadáns e os poderes públicos están suxeitos á Constitución e ao resto do ordenamento xurídico (artigo 9.1).
- Os españois teñen o dereito e o deber de defender a España (artigo 30.1).
- O goberno exerce a función executiva e a potestade regulamentaria de acordo coa Constitución e as leis (artigo 97).
- O Estado organizase territorialmente en municipios, en provincias e nas CCAA que se constitúan (artigo 137).
- En ningún caso admitirase a Federación de CCAA (artigo 145).

O Sr. Sánchez e o PSOE non poden, nesta ocasión, escudarse en que as afirmacións realizadas ou os acordos subscritos son simples "recursos

dialécticos" para contentar a aqueles de cuxos votos depende que o Sr. Sánchez siga sendo o inquilino da Moncloa.

E non poden utilizar esta basta escusa **porque as intervencións dos representantes de ERC, EH- Bildu e o PNV no debate de investidura deixaron claro o seguinte:**

- Gabriel Rufián (ERC): esixiu que na mesa bilateral se "fále de todo" e iso abarcaría a "amnistía" dos presos do procés e a "autodeterminación".
- Mertxe Aizpurúa (EH- Bildu): afirmou que a Transición española foi "unha fraude" que sustentou un "pacto de impunidad" e puxo en dúbida -ao longo de todo o seu discurso- a Democracia, o Estado de Dereito e a Constitución que emanaron dese histórico proceso.

Acusou ao Rey Felipe VI de autoritarismo, concretamente de "apelar á conformación dun bloque político e mediático capaz de profundar na contrarreforma autoritaria", por defender a unidade de España en outubro de 2017.

- Aitor Esteban (PNV): expuxo a necesidade acometer "un diálogo que desemboque de maneira pactada nun acordo que modifique no seu caso o ordenamento xurídico e sexa ratificado pola cidadanía".
- Montse Bassa (ERC): dirixíndose ao Sr. Pedro Sánchez preguntoulle: "Cre que me importa a gobernabilidade de España? Impórtame un comiño".

E ante todas estas intervencións **o PSOE e Pedro Sánchez gardaron silencio e non defenderon de maneira inequívoca á súa Maxestade o Rey, o noso Estado de Dereito, a nosa Constitución nin a nosa Democracia.**

Diante da gravidade destes acordos e das afirmacións realizadas por Pedro Sánchez, o Grupo Provincial Popular na Deputación de Ourense propón ao pleno a adopción dos seguintes

ACORDOS:

- I. Instar ao Presidente do Goberno a romper o seus acordos con ERC e Bildu.

- II. Instar a todos os grupos parlamentarios do Congreso a que os seus deputados e deputadas, como representantes de toda a cidadanía española, soliciten a comparecencia do Sr. Sánchez para ser interpelado sobre os seguintes aspectos:
 1. se a súa afirmación de “deixar atrás a xudicialización do conflito” implica:
 - a) reverter politicamente as condenas que a xustiza impuxo aos condenados por delito de sedición, entre outros, cando en outubro de 2017 vulneraron a lei co obxectivo de romper a nosa nación.
 - b) non actuar con toda a forza da lei e a Xustiza españolas contra aqueles dirixentes políticos que, como Torra, xa afirmaron que desobedecerán as resolucións xudiciais e seguirán tentando lograr a independencia de Cataluña por calquera vía.
 2. se a súa afirmación de “que a lei non basta” supón abandonar a obrigaón de todo cidadán, unha obrigaón legal e moral que se amplifica no caso dun cargo público, de denunciar delitos e


comportamentos contrarios da lei.

3. como poderá cumprir o establecido nos artigos 1.2 e 92.1 da nosa Constitución ("a soberanía reside no pobo español" e "as decisións políticas de especial transcendencia poderán ser sometidas a referendo consultivo de todos os cidadáns"), cando no seu acordo co PNV unha parte de España decidiu sobre as competencias (neste caso de tráfico) doutra autonomía (neste caso Navarra) e acordou con ERC "unha consulta á cidadanía de Catalunya, non a todos os españois, para validar as medidas en que se materialicen os acordos aos que chegue a mesa bilateral entre o goberno de España e o goberno da Catalunya".
4. se cando anunciou un "novo tempo para España" se debe a que o seu goberno pretende cambiar a nosa Constitución (e con ela o noso sistema político e os principios básicos da nosa democracia) de maneira subrepticia, sen seguir os cauces previstos nos artigos 166 e seguintes da nosa Carta Magna e sen que poidan opinar todos os españois.
5. se a súa afirmación de que "se aplicará un cordón sanitario ás ideas" e a súa intención de poñer en marcha unha estratexia nacional de loita contra a desinformación significará un control por parte do goberno dos medios de comunicación, (posto que o Sr. Iglesias considera que "a existencia de medios de comunicación privados ataca a liberdade de expresión") e a exclusión do debate daqueles que discrepen do goberno.
6. se a súa intención de derrogar a LOMCE leva implícita a eliminación do ensino concertado no noso país (tal e como o Sr. Iglesias propuxo en diversas ocasións) e a supresión da liberdade dos pais e nais,

recoñecida na Constitución e avalada por diferentes sentenzas do TC, de elixir aquel modelo educativo que mellor se adapte ás súas crenzas e forma de vida.

- III. Instar a todos os grupos parlamentarios do Congreso a que os seus deputados e deputadas, como representantes de toda a cidadanía española, presenten unha moción para rexeitar a actuación do presidente do Goberno. Un presidente do Goberno que pactou con aqueles partidos que buscan romper a unidade española e acabar coa democracia e o Estado de Dereito vixentes no noso país.
- IV. Trasladar este acordo a todos os grupos parlamentarios do Congreso e á Comisión de Peticións do Congreso, en virtude do artigo 77 da CE.

Ourense, 13 de xaneiro de 2020



Asdo. Plácido Álvarez Dobaño

SR. PRESIDENTE DA DEPUTACIÓN PROVINCIAL DE OURENSE